

Broj : 01- 141 / 12
Dana : 02.02.2012. godine

SKUPŠTINA KANTONA SARAJEVO
predsjedavajuća Skupštine

PREDMET: Zastupnička pitanja Zeković Enes, odgovor , d o s t a v l j a s e ;-

Poslanik Zeković Enes je na Sedmoj Radnoj sjednici Skupštine Kantona Sarajevo, održanoj dana 14.09.2011 godine, u okviru tačke Dnevnog reda "Zastupnička pitanja, inicijative i odgovori", između ostalog postavio zastupnička pitanja ;

Zastupničko pitanje 1 :

« Šta se učinilo, koje aktivnosti se poduzimaju kako bi građani, posebno djeca, zaštitili od pasa latalica koji su sada već prisutni u svim općinama Kanton i predstavljaju stalnu opasnost za građane?» hitno poduzmu aktivnosti oko rješavanja, u cijelom Kantonu, prisutnog problema pasa latalica koji postaju opasnost za sve građane Kantona, posebno za mlađe naraštaje?»

Zastupničko pitanje 2 :

«Kada će se, konačno, uređiti oblast taxi prevoza u Kantonu Sarajevo s distance onih koji taj posao obnašaju legalno u odnosu na one koji nelegalno obavljaju ovu djelatnost?»

Zastupničko pitanje 3 :

«Budući je bezbjednost građana Kantona Sarajevo ugrožena jer je postala svakodnevница da je neko upucan, zboden, pokraden i dr. Ko, kako i na koji način riješiti ili bar početi rješavati ovaj problem?»

Odgovor na zastupničko pitanje 1 – pripremljen od strane Uprave policije ovog Ministarstva :

Do pojave velikog broja pasa na području Kantona Sarajevo došlo je nakon stupanja na snagu Zakona o zaštiti i dobrobiti životinja (Službene novine BiH broj 25/99), jer je predmetnim Zakonom određeno da se napuštenim životnjama mora osigurati adekvatan smještaj-sklonište, te da se eutanazija životinja može provesti samo ako se životinja ne može izlječiti, ako je dostigla duboku starost, ako je u agoniji, ako boluje od neizlječive ili zarazne bolesti, ako je opasna po okolinu u kojem slučaju mora imati uputu veterinaru.

Policiji se svakodnevno upućuje veliki broj usmenih primjedbi građana, mjesnih zajednica i drugih subjekata na prisustvo velikog broja pasa latalica.

Građani se za sve probleme oko ove ili bilo koje druge problematike mogu obratiti na besplatni i anonimni telefon 122 gdje će policijski službenici preuzeti sve mjere i radnje iz svoje nadležnosti.

Na osnovu člana 8. stav 5 tačke K Zakona o prekršajima protiv JRiM u Kantonu Sarajevo policijski službenici mogu sankcionisati samo vlasnike opasnih životinja.

Prilikom žalbe građanina na problem sa napuštenim životnjama, nadležna policijska stanica će obavjestiti Kantonalnu upravu za inspekcijske poslove –Inspektorat za veterinarstvo u čijoj nadležnosti je higijenski servis koji ima za ulogu skupljanje napuštenih i izgubljenih životinja i predaja u sklonište. U skloništu za napuštene životinje ostaju dok se ne pronađe udomitelj za napuštene životinje. Skloništa i higijenski servisi finansiraju se iz budžeta entiteta, kantona, gradova , općina i drugih vidova donacija.

U slučaju napada od strane napuštenih životinja, ne mogu se primjeniti odredbe Krivičnog zakona kao ni odredbe prekršajnog zakona, obzirom da je u navedenim zakonima jasno definisano da je krivično djelo i prekršaj djelo čovjeka, odnosno, da navedena djela može izvršiti samo čovjek.

Ukoliko se radi o propuštanju nadzora nad životinjom onda policijski službenici mogu poduzeti mjere i radnje u skladu sa Krivičnim i prekršajnim zakonom, a na osnovu konkretnih okolnosti i posljedica kojim je životinja napala građanina.

Članom 4 stav 16 Zakona o komunalnim djelatnostima (Sl. novine Kantona Sarajevo broj 31/04 i 21/05) definisano je da se pod obavljanjem kafilerijskih usluga podrazumjevaju poslovi stalnog i sigurnog uklanjanja životinja, pasa latalica... i poslovi eutanazije životinja.

Članom 9 istog zakona je regulisano da grad i općine u njegovom sastavu, kao i općine koje nisu u sastavu grada obezbjeđuju obavljanje određenih komunalnih djelatnosti među kojima je i pružanje određenih kafilerijskih usluga. Članom 43 istog zakona određeno je da inspekcijski nadzor za poslove iz oblasti komunalnih djelatnosti utvrđenih u članu 9 vrši gradski odnosno općinski komunalni inspektor.

Članom 12 Odluke o vršenju kafilerijskih usluga na području grada Sarajeva (Sl. novine Kantona Sarajevo broj 30/07) predviđeno je da inspekcijski nadzor nad primjenom ove odluke vrši gradski komunalni inspektor.

U skladu sa naprijed navedenim zakonskim propisima koji uređuju nadležnost inspekcijskih organa i pitanje napuštenih životinja, može se konstatovati da je isto isključivo u nadležnosti općine i grada

Odgovor na zastupničko pitanje 2 - pripremljen od strane Uprave policije ovog Ministarstva:

Odredbama člana 79. stav 3. Zakona o izmjenama i dopunama Zakona o cestovnom prijevozu Federacije BiH (sl. Novine F BiH broj 28/06 i 2/10) koji je stupio na snagu 26.01.2010.godine, je navedeno « poslovi nadzora nad provođenjem odredbi ovog Zakona koje se odnose na taxi prijevoz (član 10. stav 2. alineja 2.; član13.; 38.; 39.; 40.; 41. i 42.; ovog Zakona) vrše i policijski službenici koji vrše nadzor nad sigurnosti cestovnog prometa. U stavu 5. člana 73. pomenutog Zakona navedeno je da « u slučaju za koji je ovim Zakonom predviđeno donošenje upravne mjere otklanjanja utvrđenih nedostataka, privremene zabrane obavljanja djelatnosti, isključenja vozila iz prometa ili oduzimanja vozila, ovlašteni službenik iz stava 3. ovog člana (policijski službenik) sastavlja službenu zabilješku koju na dalji postupak dostavlja inspektoru cestovnog prometa Kantona u kojem prekršilac ima sjedište ili prebivalište.

Sukladno naprijed navedenom policijski službenici MUP-a Kantona Sarajevo preuzimaju potrebne mjere i radnje koje su im stavljene u nadležnost citiranim odredbama Zakona o cestovnom prometu Federacije BiH, te vrše svakodnevne kao i pojačane kontrole saobraćaja sa akcentom na kontrolu nelegalnih taxi prijevoznika. Ilustracije radi u periodu od 19.03.2010.godine do 16.06.2011.godine policijski službenici su kontrolisali ukupno 1566. taxi prijevoznika, protiv 542. taxi prijevoznika putem izdavanja prekršajnog naloga ili podnošenjem zahtjeva za pokretanje prekršajnog postupka pokrenuli odgovarajući prekršajni postupak, dok je Kantonalnoj upravi za inspekcijske poslove- inspektorima za saobraćaj dostavljeno 442. službene zabilješke.

Ne ulazeći u analizu zakonske regulative kojom se uređuje organizacija i način vršenja taxi prijevoza na teritoriji Kantona Sarajevo, a što je u nadležnosti Skupštine Kantona, očito je da se pomenuti problemi taxi prijevoza ne mogu riješiti bez učešća navedenog organa i drugih organa vlasti, koji trebajuinicirati donošenje provodivih zakonskih rješenja i propisa u vezi sa Zakonom, s ciljem stvaranja uslova za normalno obavljanje taxi prijevoza.

Odgovor na zastupničko pitanje 3 - pripremljen od strane Uprave policije ovog Ministarstva:

Problem kriminaliteta odnosno izvršenja krivičnih djela iz svih oblasti zakonodavstva je prisutan u cijelom svijetu, pa tako i kod nas, a za njegovo rješavanje, odnosno smanjenje broja izvršenih krivičnih djela potrebna je akcija šire društvene zajednice koja podrazumjeva zajedničko preventivno djelovanje obrazovnog sistema, službi socijalne zaštite, medija, pravosuđa, policije kao i svih građana Kantona Sarajevo, uz poboljšanje aktuelne ekonomске situacije kao podrške porodici-osnovnoj jedinici svakog društva. Društvo bez kriminalnih aktivnosti je idealna zajednica koja nažalost nigdje u svijetu ne egzistira, ali je statistički utvrđeno da stabilna ekonomска situacija, dobar standard građana, te jak obrazovni sistem i sistem socijalne zaštite preventivno utiču na značajno smanjenje broja izvršenih krivičnih djela u jednom društvu.

Službenici policije MUP-a Kantona Sarajevo na bazi glavnih odrednica generalnog plana, sačinjavaju konkretnе operativne i akcione planove kojim se konkretizuju mјere i zadaci na postizanju što boljih rezultata iz oblasti preveniranja i otkrivanja kriminaliteta, rasvjetljavanja događaja koji predstavljaju krivično djelo, prikupljanja činjenica i dokaza, identifikaciji i hvatanju izvršilaca, kao i pronalasku predmeta stvari koje potiču iz inkriminisanih radnji, uz maksimalno poštivanje demokratskih standarda o osnovnim ljudskim pravima i slobodama.

MUP Kantona Sarajevo ima značajnu ulogu i na planu postizanja i unapređivanju, međusobnog povjerenja i saradnje između građana i policije. Povjerenje građana u policiju i njihova saradnja sa policijskim službenicima prilikom otkrivanja nezakonitih radnji i njihovih počinilaca predstavljaju bitan faktor od koga zavisi opća sigurnost ljudi i njihove imovine.

U narednom djelu odgovora, predstavljamo izvod iz periodničnog izvještaja Uprave policije, s ciljem pružanja adekvatne predstave o djelu aktivnosti koje se provode u Upravi policije, a mogu predstavljati adekvatan odgovor na poslaničko pitanje.

Period Januar-Juni 2011 godine

Stanje kriminaliteta na području Kantona Sarajevo u periodu januar - juni 2011. godine u odnosu na isti period prethodne godine, posmatrano kroz statističke pokazatelje, karakteriše povećanje broja, registrovanih djela za 0,5%, prijavljenih lica za 8,9%, maloljetnih izvršilaca za 66%, povratnika u činjenju krivičnih djela za 4% i lica lišenih slobode za 21,2%.

U periodu januar – juni 2011. godine, registrovana su 3.642 krivična djela, što je za 17 djela ili 0,5% više nego u periodu januar – juni 2010. godine.

U 967 slučajeva (26,5% od ukupnog broja krivičnih djela), krivična djela su izvršena od strane poznatih izvršilaca, a 2.675 krivičnih djela (ili 73,5%), prijavljeno je po nepoznatom učiniocu, od kojih su za 1.292 naknadno otkriveni izvršioci (ili 48,3% od ukupnog broja prijavljenih djela po nepoznatom učiniocu), što znači da je u izvještajnom periodu, za ukupno 2.259 krivičnih djela identifikovan osumnjičeni počinitelj ili 62% (ili 1,1% manje).

(tabela 1.) Uporedni pokazatelji stanja kriminaliteta po mjesecima u periodu januar – juni 2011. godine

mjesec 2011.godine	januar	februar	mart	april	maj	juni	6 mj.
broj krivičnih djela	590	662	647	545	568	630	3.642
broj rasvijetljenih djela	381	413	414	349	314	388	2.259
% ukupne rasvijetljenosti KD	64,6%	62,4%	64%	64%	55,3%	61,6%	62%
broj prijavljenih lica	291	338	323	265	262	344	1.823
broj povratnika	189	221	216	177	171	220	1.194
broj lica lišenih slobode	140	197	143	110	118	126	834

Za izvršenje navedenih djela prijavljena su 1.823 lica (za 149 ili 8,9%), od kojih su 1.194 povratnika (ili 65,5% prijavljenih), 161 maloljetnik, a 834 je lišeno slobode (ili 45,7%).

U odnosu na uporedni period veći je broj prijavljenih lica za 149 (ili 8,9%), povratnika za 46 (ili 4%), maloljetnika za 64 ili 66% i lica lišenih slobode za 146 (ili 21,2%).

1.2. PREGLED KRIVIČNIH DJELA PO OBLASTIMA



KRIVIČNA DJELA PROTIV ŽIVOTA I TIJELA

Tokom izvještajnog perioda prijavljena su 94 krivična djela protiv života i tijela (13 više u odnosu na isti period 2010. godine) od kojih je za 85 ili 90,4% poznat učinilac.

Zbog postojanja osnova sumnje da su ih počinili podneseni su službeni izvještaji protiv 136 lica (33 više), a 54 su lišena slobode (21 više).

Evidentirana su sljedeća krivična djela: - ubistvo iz člana 166. KZFBiH-a – tri djela (u uporednom periodu nije bilo ovih djela, ali je registrovano jedno djelo ubistvo na mah iz člana 167. KZ FBiH-a), ubistvo u pokušaju – 11 djela (sedam više), teška tjelesna ozljeda – 48 (dva više), lahka tjelesna ozljeda – 27 (jedno više) i učestvovanja u tući – pet djela (dva više).

Za svih 11 krivičnih djela ubistva u pokušaju izvršiocu su identifikovani i službeni izvještaji dostavljeni nadležnom tužilaštvu. Ova djela izvršena su upotreboru vatrenog oružja - pet puta i upotreboru noža – šest puta .

Takođe u izvještajnom periodu identifikovan je i liшен slobode počinilac krivičnog djela ubistvo u pokušaju koje je izvršeno u mjesecu Oktobru 2010 godine na tramvajskom stajalištu Stup.

KRIVIČNA DJELA PROTIV IMOVINE

Broj registrovanih krivičnih djela iz ove oblasti čini 76,9% ukupnog kriminaliteta što predstavlja smanjenje ovog parametra u odnosu na uporedni period za 1,1%, kada su „imovinski delicti“ činili 78% ukupnog kriminaliteta. Naime, registrovano je 2.800 djela iz ove oblasti što je za 29 djela manje.

Najbrojnija djela iz ove oblasti su: teške krađe – 1.889 (25 više), krađe – 376 (14 manje), razbojništva – 234 (šest manje), oštećenje tuđe stvari – 90 (dva više), teška krađa u pokušaju – 68 (25 manje), prijevara – 32 (jedno više), utaja – 22 (11 manje), itd.

Za ukupno 1.466 djela ili 52,4% identifikovan je osumnjičeni počinilac, što je u odnosu na isti period prethodne godine, smanjenje za 1,5%.

Objekti napada pri vršenju krivičnih djela protiv imovine najčešće su bili stambeni objekti – 790 puta (251 više) motorna vozila 547 (334 manje), poslovni prostori i prodavnice – 412 (142 više), na ulici – 123 (osam manje), itd., pri čemu je otuđivan novac, motorna vozila, tehnička roba, zlatni nakit, auto-dijelovi, itd.

U prva šest mjeseci ove godine na području Kantona Sarajevo izvršena su 264 krivična djela teških krađa motornih vozila, od čega je 83 ili 31,3% vraćeno što je za 10,7% veći procenat povrata vozila. (od strane policije MUP Kantona Sarajevo vraćena su 24 vozila, MUP RS-a – 13, drugih MUP-ova – 10, uz novčanu nadoknadu - četiri, a 32 vozila vlasnici su sami pronašli).

U odnosu na uporedni period broj otuđenih vozila, značajno je smanjen i to za 164 vozila ili 38,3%.

(tabela 8.) Pregled broja otuđenih i vraćenih motornih vozila na području Kantona Sarajevo po policijskim upravama za period januar - juni 2011. godine

POLICIJSKA UPRAVA	I PU	II	III PU	IV PU	V PU	UKUPNO
BROJ OTUĐENIH PMV	78	60	80	37	9	264
BROJ VRAĆENIH PMV	24	16	22	17	4	83
% VRAĆENIH PMV	30,8%	26,7%	27,5%	45,9%	44,4%	31,4%

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 34 lica (28 manje) od kojih su 22 povratnika, a zbog postojanja osnova sumnje da su počinili krivična djela iznude novca za otkup ukradenih vozila podneseni su službeni izvještaji protiv četiri lica i svi su povratnici.

(tabela 9.) Pregled broja otuđenih motornih vozila na području Kantona Sarajevo po policijskim upravama za period januar - juni 2011/10. godine

POLICIJSKA UPRAVA	I PU	II	III PU	IV PU	V PU	UKUPNO
BROJ OTUĐENIH MV JANUAR - JUNI 2011. GODINE	78	60	80	37	9	264
BROJ OTUĐENIH MV JANUAR - JUNI 2010. GODINE	133	111	106	73	5	428


UPOREDBA	+/-	-55	-51	-26	-36	4	-164
	%	-41,4%	-45,9%	24,5%	49,3%	80,0%	-38,3%

U prvom polugodištu 2011. godine, službenici policije su podnijeli službene izvještaje Kantonalmu tužilaštvu u Sarajevu protiv ukupno 105 lica (devet više) za koja postoje osnovi sumnje da su u ovom periodu počinili krivična djela razbojništva, razbojničke krađe i pokušaj istih. Od tega broja, 82 lica su povratnici u vršenju krivičnih djela ili 78,1%.

Razbojništva i razbojničke krađe su najčešće činjena na ulici, u prodavnicama, sportskim kladionicama, a predmeti otuđenja su uglavnom bili mobiteli, nakiti, novac i tašne. Prema načinu izvršenja, najveći broj razbojništava i razbojničkih krađa izvršen je prijetnjom upotrebe noža, zatim prijetnjom pištoljem i upotrebom fizičke snage.

Ukupno je rasvjetljeno 117 ovih djela ili 46,8% što je za 5,6% manje.


DIJAGRAM br. 2 Graficki prikaz broja registrovanih djela iz clana 289. KZFBiH (razbojništvo)
po mjesecima u periodu januar-juni 2011/10. godinne



Nasilno oduzimanje mobitela direktno se odražava i na broj teških krađa na naročito opasan ili naročito držak način. U ovom periodu evidentirana su 232 djela ove vrste (74 više), od čega je 109 ili 47% rasvjetljeno, što je 8,1% manja rasvjetljenost.

Za izvršenje ovih oblika teških krađa, prijavljena su 102 lica, od kojih su 64 povratnici, a 30 je lišeno slobode.

DIJAGRAM br. 3 Graficki prikaz broja registrovanih djela iz clana 287.stav I tacka b KZFBiH
(teška krada na narocito opasan ili narocito drzak nacin) po mjesecima u periodu januar-juni



KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 76 djela (20 više) i to: izazivanje opće opasnosti – 68 djela, teška djela protiv opće sigurnosti ljudi i imovine – pet djela, nesavjesno čuvanje pasa i drugih opasnih životinja - dva i izazivanje opće opasnosti u pomaganju – jedno djelo.


(tabela 12.) Pregled krivičnih djela „izazivanja opće opasnosti“ iz člana 323. KZ FBiH-a u periodu januar- juni 2011/10. godini na području Kantona Sarajevo

mjesec 2011/10.godine	januar	februar	mart	april	maj	juni	6 mj
januar – juni 2011. godine	10	16	16	8	9	9	68
januar – juni 2010. godine	5	8	6	11	6	8	44

Krivična djela izazivanja opće opasnosti izvršena su na otvorenom prostoru – 54 puta, u stambenim objektima – šest, ugostiteljskim – četiri, poslovnim - dva puta, te u prostorijama PS Centar i u tramvaju – po jedno. U 13 slučaja aktivirana je nepoznata eksplozivna naprava, 34 puta je pucano iz vatrenog oružja, 20 puta je otvorenim plamenom izazvan požar i u jednom slučaju je prijećeno aktiviranjem ručne bombe u prostorijama policijske stanice. Posljedica izvršenja navedenih djela je ranjavanje devet lica i nastala materijalna šteta.

Zbog postojanja osnova sumnje da su počinili ova djela nadležnom tužilaštву podneseni su službeni izvještaji protiv 69 lica, od čega je 39 povratnika, a 45 je lišeno slobode.

DIJAGRAM br.4 Graficki prikaz broja registrovanih krivичnih djela iz clana 323. KZFBIH
(izazivanje opće opasnosti) po pol.upravama MUP-a KS u periodu januar - juni 2011/10.



1.3. KRIVIČNA DJELA POČINJENA OD STRANE MALOLJETNIH IZVRŠILACA

U proteklih šest mjeseci ove godine, maloljetna lica su učestvovala u izvršenju **268 krivičnih djela** (16 ili 6,3% više), a za izvršenje ovih djela prijavljen je **161 maloljetnik** (64 ili 66% više). Među prijavljenim maloljetnim izvršiocima, 22 je djece do 14 godina, 78 je u dobi između 14 i 16 godina, a 61 je u dobi između 16 i 18 godina. Prema polnoj strukturi, 153 maloljetna izvršioca su muškog, a osam ženskog pola.

Pregled broja maloljetnih izvršilaca krivičnih djela prema starosnoj strukturi za period januar- juni 2011. godine

<i>Starosna dob maloljetnika</i>	<i>do 14 g</i>	<i>14 -16</i>	<i>16-18</i>	<i>ukupno</i>
<i>Broj maloljetnih izvršilaca</i>	22	78	61	161

Karakteristično je da su maloljetnici koji su prvi put registrovani brojniji od povratnika u izvršenju krivičnih djela, posebno ako se ima u vidu da su sve do sada povratnici bili brojniji. U proteklih šest mjeseci, 100 maloljetnika je prijavljeno prvi put, a **61 je povratnik u izvršenju krivičnih djela** (ili 37,9%). U istom periodu prošle godine povratnici su bili zastupljeni sa 53,6%.

Krivična djela koja su počinili maloljetnici, izvršena su prema 70 maloljetnih lica.

Podaci sa kojima raspolažemo ukazuju na **raznolikost krivičnih djela** u čijem izvršenju su učestvovali maloljetnici: od ubistva u pokušaju do krađe metalnih kolica za prevoz robe u supermarket.

Ipak, **najbrojnija su krivična djela protiv imovine-212** (ili 79,1%) pri čemu prevladavaju teške krađe (72), razbojništva (46), teške krađe na naročito opasan ili naročito drzak način (35), te krađe (35). U odnosu na uporedni period, u proteklih šest mjeseci znatno je povećan broj krivičnih djela krađa (za 28 ili 400%) i teških krađa na naročito opasan ili naročito drzak način (za 11 ili 45,8), dok je istovremeno znatno smanjen broj krivičnih djela teških krađa (za 22 ili 23,4%).


Razbojništva (46 djela) i drske krađe (35 djela) izvršena su na sljedeći način:

- Prijetnja nožem/čakijom-**32**;
- Ozbiljne verbalne prijetnje-**19**;
- Prijetnja šarafcigerom, metalnom šipkom i nepoznatim predmetom-**9**;
- Fizički napad/otimanje iz ruke-**9**;
- Presjecanje elektro kablova sjekiricom (na željezničkom mostu)-**7**;
- Posjekotina nožem-**3**;
- Prijetnja vatrenim oružjem-**2**;

Maloljetnici su prijavljeni za izvršenje **13 krivičnih djela iz oblasti protiv života i tijela**, a radi se o ubistvu u pokušaju - dva djela (jedno više u odnosu na isti period 2010. godine), nanošenju teške tjelesne povrede - šest (jedno više) i nanošenju lahke tjelesne povrede- pet (jedno više). Zbog krivičnog djela nasilničkog ponašanja podneseno je 11 službenih izvještaja (šest više), a zbog izazivanja opće opasnosti podnesena su četiri službena izvještaja (jedan manje).

U proteklom periodu podneseni su službeni izvještaji nadležnom tužilaštvu protiv sedam maloljetnih lica zbog krivičnog djela posjedovanja opojne droge, a protiv 11 maloljetnika podneseni su službeni izvještaji zbog krivičnog djela ugrožavanja sigurnosti.

Grafički prikaz najbrojnijih krivičnih djela izvršenih od strane maloljetnih lica



OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U periodu januar-juni 2011. godine registrovano je **14 slučajeva namjernog aktiviranja minsko-eksplozivnih sredstava** (10 ili 250% više u odnosu na isti period 2010. godine), koja su za posljedicu imala materijalnu štetu na stambenim objektima i putničkim vozilima. Na području općine Novo Sarajevo evidentirano je pet eksplozija, Starog Grada četiri, Novog Grada tri i Centra dvije. U četiri slučaja izvršioci su identifikovani i protiv njih su preduzete odgovarajuće zakonske mjere.

U proteklom periodu prijavljen je i slučaj bacanja flaše sa zapaljivom tečnošću, tzv Molotovljev koktel na vrata ugostiteljskog objekta na području općine Stari Grad. Izvršilac je identifikovan i protiv njega su preduzete zakonske mjere.

Registrovane su 22 anonimne dojave o postavljenim eksplozivnim napravama (pet više u odnosu na isti period 2010. godine), od kojih se većina odnosila na škole. Nakon KDZ pregleda utvrđeno je da su dojave bile lažne. U sedam slučajeva identifikovano je pet maloljetnih lica koja su upućivala lažne dojave o postavljenim eksplozivnim napravama u školama, kao i dva lica koja su u novembru 2010. godine uputila lažnu dojavu, i protiv njih su preduzete zakonske mjere.

S poštovanjem,

MINISTR

Dr.Sci. Muhamed Budimlić